



FÉMLI ARDE ZIYAROT GORÓYA ÓKKOL ÓLLA FÓILA RUKÍBÉLLA SÓWA TOBKA OKKOL

Boc ola Austrliar maincór fémlí arde adoijja manúic beggún óre cúkuriya tuáñrar hémayot arde sáñt diyóde yían ólla. Yíán bicí zoruri mockil thaim ibát.

Añára zani COVID-19 é burá maincór uore ódor baára asór goré. Tuáñrar adoijja manúic ókkol ítarar boc ola dek bal sóulut ot mazé héfazot táke fan añára hámica ttu áro doró gorí ham gorír.

Australíar komzur arde burá maincór héfazot arde refáyi añárar furafuri torji.

Nise aséde maalumát íin é Australíar burá maincóre COVID-19 óttu basaité tuáñrare modot goríbou.

Aró maalumát ókkol wébsáith [health.gov.au](https://www.health.gov.au) ót faiba "wasáil or sekcen" andhár ót. Añí yó tuáñre boldir COVID-19 ór cómot Boustír Boc ola Dekbal Gór ókkol ot Ziyarot goríbélla Harhána Kóudh forí bélla <https://www.cota.org.au/policy/aged-care-reform/agedcarevisitors/>

Boc ola Dekbal or Hók or Chathar loi borabor ófan, añárattu dekbál fardé maincór hók ókkol óre héfazot gorí hámahá raká foribóu. Tuñí chathar ibáre eçe faiba de <https://www.health.gov.au/news/charter-of-aged-care-rights>.

FÓILA RUKÍBÉLLA SÓWA TOBKA ÓLL:

Tuñí fóila ré rukí faribá ar héfazot táki faribá sówa tobka BEGGÍN mani yóre

1. Tuáñrtú gaat gom lager né?

Tuáñrtu górot táka foribóu ar honíkka no zaiyó zodi gaat gom noláge. Tuáñrtu hámahá yíán gorá foribóu zodi tuáñr alamot hálka óile yo. COVID-19 ór alamot ókkol uggwá thándhi yá flúr dhoilla óit fare ar cámil táki fare:

- Gaatzor
- Hañc
- Niáñc than
- Gola bic
- Matá hoñrani
- Bac árai félaiye
- Moza árai félaiye
- Nakortú faní zóra.
- Gaa hoñrani
- Girár bic
- Gaa Lamani
- Oolanir dhóilla lagoon yá oolani
- Búk nu aiyé

2. Tuáñr flú fúkmara ehonor né?

Zodi tuáñrtu boustí boc ola dekbal sóulot ót ziyarot goittóu mone hoór tuáñrtú hámahá flúr fúk maroon saá. Tuáñrtu hámahá noya flú fúkmaraar sóbut dahá foribóu. Zodi tuñí fúkmara loi nofaró tuáñrtu hámahá tuáñr daktor ottú daktori madiyar habos fonnar sóbut dahá foribóu. Añára yíán ó mocuwara dir deki tuñí fúkmari lo zodi tuñí boc ola egana ar fúñijja ókkol loi dola óiba ítara nozor górot mazé.

3. Tuáñr ziyarot oré zeddúr fare éddur kengóri héfazot ot rakíba yáin zano né?

COVID-19 fóilar hótara ré homai bélla, añára tuáñré mocuwara dir:

- Tuáñr hát ókkol óre sábutun arde faní loi homashom 20 sekén loti dúo yá alkuhól-buniyadi senitaizar estemal goró:
 - » tuáñr ziyarot or cúruutu arde ahérittu
 - » tákoya uggwá loi dola óibar agortú arde fisóttu, zeén néki ítarare hána hábai bellá modot gorí bíccót

» fura din baakaida háli thaim ókkol ot

- tuñi arde tuáñr fúañti asé gorba beggún óttu 2020 flú fúkmara aséde yían ór sóbut dahó.
- tuáñr kinkini yá thicúr bútoe hañc ó yá háñisso, estemal goijjá thicí ókkol éhon gadhdhát félaído, ar hát dúi félo
- fottí tákoyar la honó ek thaim ot duártú áro bicí gorba noón saá
- Tuáñr gorba loi nizor hamrát, kúla zagat, yá tuáñr sóulot or torfóttu hoódiya zagat dola ó
- cíyar goijjá zaga ókkol óttu basi táko
- jisími duré táka pretís goró zeçé fare éçe.

Tuñi beraitóu aái nofaríba zodi goto 14 din ót:

- oinno decóttu waapes aiccó
- COVID-19 óiyede maincór loi dola óiyo

Tuáñrtu foóila loti quranthin ót yá alok gorí tákoon saá ar honíkka loi dola noón saá.

Hárr hamola arde ziyarot goróya ókkol óttu ehonor taaluki tofsil ókkol boc ola dekbal or sóulot óre diya foribóu.

4. Tuáñr fúañti fuain ó ziyarot goittóu aiyé né?

Tuáñr fúañti fuain ó zai faribóu né yían RACF zaibar agortú cek gorá foribóu. Zodi ítarartú arbélla ejazot táke, tuáñr fúañti aséde fuain dór negarani tuáñrtu gorá foribóu ar ítara jisími duré táka arde sáfsuturar mocuwara ré maner dé yían fakka goró.

5. Tuáñr adoijja maincór sóulot or rul ókkol tuñi zano né?

Fottí hédmot douya ré tákoya ókkol ar fémlí ókkol óre ziyarot or rul ókkol ór baabote hoibélla mocuwara diya giyé. Ítarattu tuáñre honó bodolar baabote hóbor diya foribóu. Tuáñrtu zoruri:

- tuáñr COVID-19 ór hótarar súal ókkol óre sóiyi hísafe juab diya foribóu
- 2020 flú fúkmara re gorá báiyé de yían dahá foribóu
- ziyarot goróya ókkol ór rul ókkol óre mani bélla razi wá foribóu

Tuáñrtu tuáñr esthéith yá teróthorir hókumot or mocuwara ré cek goróon saá kiállá hoilé boc ola dekbal hédmot ókkol ólla arde pabilík ólla zorurot ókkol forók óitfare.

6. Tuñi zano né tuáñr adoijja maincór loi kengóri taaluk rakíba zodi ítara ziyarot gorí nofare?

Bozomotta hédmot douya uggwár tú dola wáre mahadúd gorá fore. Mesál hísafe, zodi sóulot uggwát yá loukél elakat foíla uggwá óde óile.

Añára boc ola dekbal douya ókkol arde egana ókkol óre fúañti ham gorí bélla boldir taáke tuáñra tuáñr adoijja maincór loi taaluk rakí faro

Zodi tuáñrtu ziyarot ókkol ór baabote yá fúañijja uggwá yá fémlí membór uggwár dekbal or baabote honó sinta ókkol asé, taaluk goró:

- Umór Bicí óla Maincór Wakalot Néthwák (OPAN) ót koól goró 1800 700 600 ot yá
- tarár wébsáith www.opan.com.au ot ziyarot goró.

OPAN é tuáñr loi ham gorí faribóu ar boc ola dekbal douya ókkol loi. Hédmot ibá maana ar gufoniya. Andóile, tuáñr Boc ola Dekbal Mayir ar Héfazoti Komicén (ACQSC) loi taaluk goró 1800 951 822 ót yá agedcarequality.gov.au ót.

*Zodi tuáñrtu dustó uggwár yá fémlí membór ór demaki sehét ór baabote sinta ókkol táke, Siniyar Australiar maincólla COVID-19 hémayot lain oré maana koól goró 1800 171 866 ot máze.

Añárattu tuáñr modot lager

COVIDSafe app dasé furafuri nizer issá. App download goróon dasé tuñí farodé éndila kessú tuáñr fémlí, dustó ókkol arde komunithi ré héfazot goitté modot goribélla. Oinno Australiar maincór zindi ókkol óre basaité tuñí modot gorifaribá tuñí dekbal goróde ítara cóo. Zetó bicí Australiar manúic ókkol é COVIDSafe app loi taaluk goré, éto hára vairás íbare loot faiyoum.

Ofísari maalumat, wasáil ar hédayot ókkol beggún ólla www.health.gov.au ot zoo.